

兩淮鹽法志

(四)

兩淮鹽法志卷之二十五



藝文

一

太史公云學者載籍極博猶考信於六藝詩書
雖缺然虞夏之文可知也則是稽古鑒觀以知
人論世舍藝文無由矣兩淮風氣休灝人文輩
興揆藻摘詞壽貞珉而馨簡籍者所在多有後
之人覽其記序詩篇如親見其人如身歷其盛
典型在望芳軌是程能無對高山而思仰止乎
爲志藝文

張侯祠堂記

宋 范仲淹

生祠民報德也制置公本汝穎之奇以文武事朝廷
爲勲臣於四方而嘗戰守秦塞制勝非一招降屬寇
全活甚衆撫南彘以安遠人使北疆以信大義光華
之命所向凝績天禧中國家以鹽鐵饋運之計重於
東南命公領之於茲八年公夙夜不懈闕政咸舉初
淮浙之間鹽民告困海利云剝公請賑崇泰楚三郡
亭人歲增課數十萬石與杭海秀三郡鹽場歲入課
四十萬石又當蘇秀間太湖漲溢害於甫田公請導

天作限奠萬家產朝以公賢兼於藩宣傷者我全疾
者我痊逋亾幾千歲復於田公義不爽欲報彌廣建
牙裂壤將有收往衆圖畫像以永瞻仰列星之精列
嶽之靈儀焉停停神焉熒熒居千百年此邦鎮寧旣
寧旣聚濤莫我苦比比牖戶鱗鱗塲圃而公而豎於
歌於舞天子穆清諸侯經營民兮樂從穀兮豐盈作
爲頌聲告於神明



天并州莫高宋玉博以公賀兼就高宣謝春并全

入於海歲復租六十萬石白沙郡大江之北有灣數
里風波爲險舟楫不利公於是開長蘆西河以濟之
又高郵之北漕渠屢決阻我糧道蕩我農畝公於是
作隄二百里芴置石限平其增損以均灌漕焉惟茲
海陵古有潮堰舊功弗葺驚波洊至臨其稼穡偃其
桑梓此邦之人極乎其否公堅請修復厥功橫議囂
然竟使中廢公又與轉運使胡公再列其狀朝廷可
之仍許兼領是郡以觀厥成起基於天聖五載之秋
畢功於六載之春旣而捍其大災蠲其宿負期月之

內民之復業歸田者共一千六百戶將歸其租者又三千餘戶撫之育之以簡以愛優優其政治於民心於是請肖公之像以奉於祠期子孫之不忘也秉筆者故作頌焉頌曰我公雄傑經制楚越鑿動毛髮誠揭日月建利除孽代天工發海陵嗷嗷古防弗牢萬頃良膏歲洵於濤民焉呼號不粒而逃公聞驚心迺按廼察草奏屢陳狂議四過心過金鐵對天不奪宸斷旣聰宰謀旣同展矣胡公協力偕忠共民交充興防之功盤盤偃偃百里而遠雲蟲不散山亘不斷如

三賢堂記

張文

大賢君子出爲世用也未嘗不以膏澤斯民勲業當
代爲已任然志有在焉而力或不逮則能相其力而
成其志者斯亦大賢君子之徒與宋有天下三百年
先岳所鍾奇才疊出而議者則以范文正公爲稱首
觀其言曰士當先天下之憂而憂後天下之樂而樂
此其立志之高固與一世同其休戚而凡所以膏澤
斯民勲業當代者豈故誇世而要譽也耶仁宗天聖
初公監泰州西溪鹽倉時海堰久廢民苦潮汐良田

不可耕稼公具書白發運副使張綸綸奏上以公知
興化縣用董修築之役而會大雨雪波濤洶湧役夫
散走旋濘而死者百餘人於是羣相謹言以爲堰不
可成朝廷遣中使按之將罷其役又詔轉運使胡令
儀同公度其可否而令儀嘗宰海陵熟知潮患於是
力主公議而不可奪未幾公以憂去綸表請身自董
役踰年堰成民卒享其利夫海潮之爲斯患前此之
爲守宰者凡歷幾人而公以鹽職之卑了不相係乃
獨身任其責而昔之所謂先憂後樂者言豈妄乎哉

當是時公有欲爲之志而無可爲之柄不有張公爲之薦達欲圖斯役難矣役事方殷議欲中輟不有胡公爲之主張又安望其成功哉范公倡之二公和之蓋皆有功於斯堰有惠於吾民報本追遠百世自不可忘者此三賢堂所以建也歷代旣邈堂不可復存巡宰關右李君誠來蒞茲土慨然有重新之志乃按故趾而經營焉中作一堂十有七尺廣長稱之外繚以垣東西南北五十餘丈朴而不華完而孔固肇工於天順辛巳仲夏落成於明年孟春李君不鄙請文

諸石以紀歲月予惟三君子之深仁霈澤灌溉民心
與海波不息仰高山而遵景行者蓋不多建也君能
新其廟貌表厥勲德以垂示將來其中之所存固異
乎人矣且聞君嘗白州司修繕運鹽河隄百餘里殆
聞范公之風而興起者與昔者范公築堰時有張胡
二公贊其成而李君之所未成尚有望於後之君子
焉併記以俟

重修三賢祠記

李思誠

熬波富國中十爲甲而中十之不狎於蛟龍者則隄爲之也隄之經營實始於有宋范文正公仲淹張文靖公綸胡文定公令儀梁界一隅恩同於九是以歷宋越元莫不同舌而賢之立其主於廣旃額之曰三賢陞俎之興舉於春秋比者土木崩摧幾爲蕞莽無論几筵蕭然誥以三賢姓氏而有杳不知者矣朝烟暮雨弔古典悲士庶謀所以新之而未有任之者也曾分運徐公臥治十屬仁風相扇海無衝波乃欲纂

修志書取徵文獻於是禮聘孝廉魏生文學王生諮訪採輯修廢舉墜場無遺美次歷南梁首謁三賢與場之人士講求大義無不興起時有義竈顧天德練應科者欣然以鼎新爲己任合材集役輪奐改觀場之子衿王生潤赤走書於予求一言以貞石余何辭焉蓋人被圓蓋之覆不以爲功食土之毛僉謂固然神禹隨刊江海平流今之泛滄溟度長塹者以爲舟之力而不以爲禹之功也委功棄德遽焉不悟民之無良豈遂如是乘高者未有以呼之也譬則襁褓之

兒育於他氏見其母而詆之設有爲之誦其故則必
且愕然駭泫然涕泗矣今民之不識三賢何以異是
苟一呼之豈惟三賢將生成之澤高厚之恩下及簪
履衽席之遺莫不同念而醒之矣是舉也呼之者徐
公和之者王魏兩生而應之者又豈止練顧兩義士
也哉抑三賢修隄而民有土徐公修志而民有心安
在三賢之不足四與徐公諱光國字瑞徵浙之常山
人魏生諱公輔字弼卿王生諱元鼎字去膺俱泰州

人

六 兼 本 籍 公 辭 宰 說 王 主 精 元 泉 子 去 概 耳 後 也
 三 贊 之 不 足 四 與 翁 公 精 大 國 宰 說 後 也 亦 山

東臺院治記

崔桐

東臺故無察院每御史行部輒就館於分司分司官則退就於鹽課司焉兩淮袁運判才謀諸東臺場使吳紹曾曰東臺實泰州十場中土御史行部道所由出無院以攸躋則旅無寧次事涉苟簡非所以崇等威重國計也且通淮二司各置院而泰州獨無無乃於綜理有缺乎亟以建院故請諸御史雲淮齊使君君以爲然檄才授其計紹曾督其成於是乎慮事庀材分工董植程功頒直其上方撤故祠以爲址其庸